

KellyChu - 學生拍片探索港鐵「綠在屯門」 化身 KOL 邀居民實踐環保 | Executive 日記



社交媒體迅速發展，成為市民接收資訊嘅主要途徑，位於屯門嘅仁濟醫院羅陳楚思小學亦積極培育小小 KOL，鼓勵學生透過製作多媒體資訊，掌握多元技能及激發創意。最近同學仔就拍片向區內居民介紹全新嘅「綠在屯門」，邀請大家一齊實踐環保生活，好有意思！

港鐵為騰出空間興建屯門南延綫，喺屯門區內完成重置「綠在屯門」回收環保站嘅工程，等附近居民喺興建鐵路期間也可繼續使用社區回收設施。港鐵同時邀請仁濟醫院羅陳楚思小學出動小小 KOL 團隊介紹新嘅「綠在屯門」，4 位同學在老師指導下自編自導自演，化身「環保偵探」帶觀眾探索新設施及了解交通攻略，鼓勵大家實踐環保。

是次寓教於樂嘅合作不但培養同學創新思維、演說能力及團隊合作技巧，更提高咗佢哋對社區嘅歸屬感同埋責任感。對於能夠喺網上向區內居民分享自己製作嘅資訊，同學表示感到滿足。

原文網址：<https://www.stheadline.com/columnists/lifestyle/3444720/KellyChu-學生拍片探索港鐵綠在屯門-化身 KOL 邀居民實踐環保-Executive 日記>